



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorm Omnium Generalium Et Provincialium Collectio Regia**

Ab anno DCCCCX. ad annum MLXXIII.

**Parisiis, 1644**

Concilium Romanum III. In Causa Gregorii Vercellensis Episcopi, de  
adulterio accusati, eorumque qui a simoniacis ordinati fuerant,  
congregatum anno Domini MLI. tempore Leonis papae IX.

**urn:nbn:de:hbz:466:1-15625**

CONCILIVM ROMANVM III.

ANNO  
CHRISTI  
1051.

IN CAUSA GREGORII VERCELLENIS EPISCOPI,  
de adulterio accusati, eorumque qui a simoniaciis or-  
dinati fuerant, congregatum anno Domini M.LI. tem-  
pore Leonis papæ IX.

NOTA.

Acta Con-  
cilli quæ.

<sup>2</sup> *Concilium.*] Hermannus Contractus in chronico res huius Synodi in causa Gregorii Vercellensis episcopi paulo fusius quam solet istis in verbis recenset: *Post pascha item dominus papa Leo Synodum Roma collegit, ubi inter alia Gregorium Vercellensem episcopum propter adulterium cum vidua quadam auunculi sui sponsa admissum, & perisuria perpetrata, absentem & nescientem excommunicauit; quem tamen non multo post Romam venientem, satisfactionemque promittentem, officio priori restituit.*

In hac eadem Synodo ventilatam fuisse quæstionem de ordinatis ab episcopis simoniaciis indicat epistola Petri Damiani ad Henricum Rauennatem episcopum, qua cum ille ordinatos a simoniaciis ab aliorum calumnia merito, prout supra constitutum ac decifum fuerat, defendisset, idque ipsis ordinatis gratum esset, libellum edidit, quem *Gratissimum* inscripsit, ideo quod in eodem de illis ordinatis ageret qui omnino gratis a simoniaciis ordinati fuerant, quibusque ea de causa idem libellus vere gratissimus foret.

Petrus Da-  
mianus edi-  
dit libellum  
quem Gra-  
tissimum  
inscripsit.

Insuper in hoc Concilio Leonem scripsisse decretum de continetia clericorum, quod Constitutum vocabant, testatur Petrus Damianus in epistola ad Cunibertum Taurinensem episcopum, ubi & de feminis clericis malo vsu inferuentibus hæc quæ sequuntur statuta fuisse tradit: *In plenaria plane Synodo sanctæ memoriæ Leo papa constituit, ut quacumque damnabiles femina intra Romana mœnia reperirentur presbyteris prostituta, extunc & deinceps Lateranensi palatio adiudicarentur ancillæ. Quod videlicet salutare statutum, equitatis iustitiæque plenissimum, nos etiam per omnes ecclesias propagandum esse decernimus, quatenus præcepto prius apostolicæ sedis edicto, vnusquisque episcopus ecclesiæ vendicet famulas, quas in sua parochia deprehenderit sacrilega presbyteris admixtione prostratas, equitatis scilicet iure, ut quæ sacris altaribus rapuisse seruorum Dei conuincuntur obsequium, ipsæ hoc saltem episcopo per diminuti capitis sui suppleant famulatum.* Hæc Petrus.

Ceterum ex succis vepribus infausta vitulamina rursus exorta falce apostolica post sanctum Leonem papam amputanda fuerunt per successores pontifices, rursusque radicitus excidenda.